



საქართველოს საბჭოთა სოციალისტური რესპუბლიკის
მთავრობის

დადგენილებათა და განკარგულებათა კრებული

1941 წ. იანვრის 31

№ 3

თ ბ ი ლ ი ს ი

შ ი ნ ა ა რ ს ი

სახალხო კომისართა საბჭოს და საქ. კ. პ. (ზ) ცენტრალური კომიტეტის დადგენილებანი

- ქართლის რაიონების კოლმეურნეობებში საზოგადოებრივი მეცხოველეობის განვითარების ღონისძიებათა შესახებ.
- ქართლის რაიონების კოლმეურნეთა საკარმიდამო ნაკვეთებზე ზეხილის სავალდებულო გაშენების შესახებ.

სახალხო კომისართა საბჭოს დადგენილებანი

- სსრ კავშირის დამზადებათა სახალხო კომისარიატის საქართველოს სსრ რწმუნებულის მოადგილედ ა. მ. წულაიას დამტკიცების შესახებ.
- აფხაზეთის ასს რესპუბლიკის ნაკრძალებში ნადირობის აკრძალვის შესახებ.
- საქართველოს სსრ თინსახკომის საბიუჯეტო სამმართველოს ორგანიზაციის შესახებ.
- ქ. თბილისში სსრ კავშირის ზორცისა და რძის მრეწველობის სახალხო კომისარიატი „გლავებლადოპრომი“-ს სადერატიზაცია-სადეზინსექციის სადგურის ლენინგრადის განყოფილების მოწყობის შესახებ.

სახალხო კომისართა საბჭოს და საქ. კ. პ. (ბ) ცენტრალური კომიტეტის დადგენილება

16. ქართლის რაიონების კოლმეურნეობებში საზოგადოებრივი მეცხოველეობის განვითარების ღონისძიებათა შესახებ.

„საქართველოს სსრ ქართლის რაიონებში სოფლის მეურნეობის, განსაკუთრებით სამრეწველო მეხილეობისა და მევენახეობის, შემდგომი აღმავლობის ღონისძიებათა შესახებ“ სსრ კავშირის სახკომსაბჭოს და საქ. კ. პ. (ბ) ცენტრალური კომიტეტის 1940 წ. 15 ოქტომბრის დადგენილების განსახორციელებლად საქართველოს სსრ სახალხო კომისართა საბჭო და საქ. კ. პ. (ბ) ცენტრალური კომიტეტი ადგენენ:

1. 1945 წლის დამლევისათვის ქართლის რაიონების კოლმეურნეობებში პირუტყვის საზოგადოებრივი სულადობა აყვანილ იქნას:

ა) მსხვილფეხა რქიანი პირუტყვისა კამეჩის ჯოგითურთ 190 ათას სულამდე, მათ შორის: ძროხისა და ფურკამეჩისა—41,0 ათას სულამდე, ხარისა და კამეჩისა—2 წელზე ზევით—80 ათას სულამდე. პირუტყვის სულადობის გადიდების გეგმა რაიონებისა და წლების მიხედვით განაწილდეს № 1 დანართის თანახმად;

ბ) ცხვრისა და თხისა—558 ათას სულამდე, მათ შორის: დედაცხვრისა და დედათხისა—309 ათას სულამდე. ცხვრისა და თხის სულადობის გადიდების გეგმა რაიონებისა და წლების მიხედვით განაწილდეს № 2 დანართის თანახმად;

გ) ღორისა—20 ათას სულამდე, მათ შორის: დედაღორისა 9 თვეზე ზევით—5,5 ათას სულამდე. ღორის სულადობის გადიდების გეგმა რაიონების და წლების მიხედვით განაწილდეს № 3 დანართის თანახმად;

დ) ცხენისა—8,9 ათას სულამდე, მათ შორის ფაშატი ცხენისა—2,5 ათას სულამდე. ცხენის სულადობის გადიდების გეგმა რაიონებისა და წლების მიხედვით განაწილდეს № 4 დანართის თანახმად.

2. ვინაიდან საკოლმეურნეო ჯოგის საკუთარი რეპროდუქცია ვერ უზრუნველყოფს ამ გეგმით გათვალისწინებული პირუტყვის სულადობის გადიდების გეგმის შესრულებას, დაწესდეს კოლმეურნეობათა ფერმების და აგრეთვე მუშა პირუტყვის დასაკომპლექტებლად კოლმეურნეობისა და სხვ. მეურნეობებისაგან პირუტყვის შესყიდვის გეგმა შემდეგი რაოდენობით: 5,6 ათასი სული ძროხისა, უშობლისა და დეკეულისა; 15 ათასი სული ხარისა, კამეჩისა და მოზვრისა, 13 ათასი სული ცხვრისა და თხისა. აღნიშნული გეგმა რაიონებისა და წლების მიხედვით განაწილდეს № 5 დანართის თანახმად.

3. სულადობის ზრდასთან ერთად უმნიშვნელოვანეს ამოცანად ჩაითვალოს კოლმეურნეობებში პირუტყვის ჯიშობრივი შემადგენლობის გაუმჯობესება, რისთვისაც გატარდეს შემდეგი ღონისძიებანი:

ა) იმის გათვალისწინებით, რომ ამჟამად წარმოებული მეტიზაციების უზრუნველყოფის უახლოეს წლებში პირუტყვის ჯიშობრივი შემადგენლობის მნიშვნელოვან გაუმჯობესებას, 1941 წელს ქართლის რაიონების კოლმეურნეობებში მოეწყოს შვიცის ჯიშის მსხვილი რქიანი პირუტყვის მეცხოველეობის 16 საჯიშე ფერმა, აქედან ორ-ორი ფერმა ხაშურის, ქარელის, გორის, კასპის, ბორჯომისა და თეთრიწყაროს რაიონებში და თითო ფერმა დუშეთის, თიანეთის, თბილისისა და მცხეთის რაიონებში.

პირუტყვის სულადობა ამ საჯიშე ფერმებში 1945 წლის დამლევისათვის აყვანილ იქნას 3170 სულამდე (მათ შორის 1370 ძროხა), აქედან ჯიშობრივი პირუტყვისა—2485 სულამდე (მათ შორის 1.000 ძროხა), რაც რაიონებისა და კოლმეურნეობათა მიხედვით განაწილდეს № 6 დანართის თანახმად;

ბ) საჯიშე ფერმების დასაკომპლექტებლად და აგრეთვე მეტიზაციის მიზნებისათვის დამტკიცდეს ქართლის რაიონების კოლმეურნეობებისათვის 1941 წელს ჯიშობრივი პირუტყვის მიყიდვის შემდეგი გეგმა:

შვიცის ჯიშის მოზვერი არაუმცირეს მესამე გენერაციისა 300 სული, მათ შორის საჯიშე ფერმებისათვის—3ნ სული;

შვიცის ჯიშის უშობელი არაუმცირეს მეორე გენერაციისა საჯიშე ფერმებისათვის—200 სული;

შვიცის ჯიშის დეკუული არაუმცირეს მეორე გენერაციისა საჯიშე ფერმებისათვის—400 სული;

წმინდა ჯიშის საჯიშე ყოჩი „რამბულიეს“ ჯიშისა—350 სული და „პრეკოსის“ ჯიშისა—150 სული;

ინგლისური ჯიშის მსხვილი თეთრი ჯიშის კერატი—200 სული და დედალორი—250 სული;

ინგლისურ-ყაბარდოული და ყაბარდოული ფაშატი—600 სული;

მიეყიდოს კოლმეურნეობებს სსრ კავშირის საბჭოთა მეურნეობების სახალხო კომისარიატის საკართველოში არსებული ცხენსაშენებიდან ინგლისური, ინგლისურ-ყაბარდოული და ყაბარდოული ჯიშის 26 ჯიშობრივი ულაყი.

კოლმეურნეობებისათვის ჯიშობრივი პირუტყვის მიყიდვის გეგმის განაწილება რაიონებისა და კოლმეურნეობათა მიხედვით დამტკიცდეს № 6 და 7 დანართების თანახმად;

გ) წინადადება მიეცეს ხაშურის, ქარელის, გორის, კასპის, ბორჯომის, თბილისის, მცხეთის, დუშეთის, თიანეთის, ყაზბეგისა და თეთრი წყაროს რაიონების პარტიის რაიონულ კომიტეტებს და მშრომელთა დეპუტატების რაიონულ საბჭოების აღმასრულებელ კომიტეტებს დაუყოვნებლივ შეუდგინენ მხადებას შემოსაყვანი საჯიშე პირუტყვის მისაღებად, არაუგვიანეს 1941 წლის 15 იანვრისა დაამთავრონ პირუტყვის სადგომების მოწყობა და უზრუნველყოფნა მიღებული პირუტყვის საჯიშე ფერმებში განკალკევებულად შენახვა, გამოპყონ საქმარისი რაოდენობა უხეში, წვნიანი და კონცენტრირებული საკვებისა და აგრეთვე და-



ნიშნონ საჯიშე პირუტყვის მოსაველეად გამოცდილი კოლმეურნეობების ველები.

საქართველოს სსრ მიწათმოქმედების სახალხო კომისარიატმა შეამოწმოს ქართლის რაიონების კოლმეურნეობათა მზადყოფნა საჯიშე პირუტყვის მიღებისა და დაბინავებისათვის და არაუგვიანეს 1941 წლის 15 იანვრისა მოახსენოს შედეგი საქართველოს სსრ სახალხო კომისართა საბჭოს და საქ. კ. პ. (ბ) ცენტრალურ კომიტეტს;

დ) დუშეთის, თიანეთის, კასპისა და გორის რაიონების მთიან სოფლებში და აგრეთვე ყაზბეგის რაიონში დაცულ იქნას მსხვილფეხა რქიანი პირუტყვის ხევსურული ჯიში. დაევალოს მიწათმოქმედების ორგანოებს და კოლმეურნეობათა გამგეობებს მოაწყონ საკოლმეურნეო ფერმებში ამ ჯიშის ძროხებისა და მწარმოებლების საუკეთესო სულადობის სისტემატური შერჩევა რეპროდუქციისათვის;

ე) მსხვილფეხა რქიანი პირუტყვის ხევსურული ჯიშის გაუმჯობესების მიზნით 1941 წელს მოეწყოს 4 საჯიშე ფერმა, აქედან: დუშეთის რაიონში სოფ. ლუთხუბის ბერიას სახელობის კოლმეურნეობაში და სოფელ ჩარგალის ვაჟა ფშაველას სახელობის კოლმეურნეობაში; თიანეთის რაიონში—სოფ. არტანის კოლმეურნეობა „მესვეურში“ და ყაზბეგის რაიონში—სოფ. სნოს მოლოტოვის სახელობის კოლმეურნეობაში;

აღნიშნულ საჯიშე ფერმებში პირუტყვის სადედე სულადობის შემადგენლობის გასაუმჯობესებლად დაწესდეს გეგმა 1941 წელს ხევსურული ჯიშის არანაკლებ 20 მაღალი წველადობის ძროხის შესყიდვისა თვითეული ფერმისათვის;

ვ) წინადადება მიეცეს საქართველოს სსრ მიწათმოქმედების სახალხო კომისარიატს 1941 წლის 1 თებერვლამდე განსაზღვროს ხევსურული ჯიშის საჯიშე პირუტყვის სტანდარტი და მოაწყოს მათი შეტანა ჯიშიანი პირუტყვის წიგნებში;

ზ) დაევალოს საქართველოს სსრ მიწათმოქმედების სახალხო კომისარიატს და მიწათმოქმედების რაიონულ ორგანოებს გააუმჯობესონ არსებულ მწარმოებელთა შენახვა და გამოყენება, მოაწყონ ფერმებში ზოოტექნიკური აღრიცხვა და უზრუნველყონ ჯიშიანი მწარმოებლებისაგან მიღებული ნამატის სწორი რეგისტრაცია;

თ) მოეწყოს 1941 წელს ცხენის დასაგრილებელი 12 მუდმივი პუნქტი თბილისის სახელმწიფო ცხენსაშენის ხაზით, შემდეგი განაწილებით რაიონების მიხედვით:

გორის რაიონი	2
მცხეთის „	2
თბილისის „	3
დუშეთის „	2
თეთრიწყაროს რაიონი	3

ი) ჩატარდეს კოლმეურნეობათა ცხენის მთელი სულადობის შემოწმება რეპროდუქციისათვის უვარგისი ყველა ფაშატი ცხენი გამოყვანილ იქნას სადღე შემადგენლობიდან, ხოლო ულაყები და ორი წლის საულაყე კვიცები, რომლებიც უვარგისია საჯიშე მიზნებისათვის, დაკოდილ იქნან 1941 წლის გაზაფხულზე;

კ) აგებულ იქნას და მოეწყოს ძროხისა და ცხვრის ხელოვნური განაყოფიერების 31 კომბინირებული პუნქტი, რაც რაიონებისა და წლების მიხედვით განაწილდეს № 8 დანართის თანახმად.

4. წინადადება მიეცეს საქართველოს სსრ მიწათმოქმედების სახალხო კომისარიატს:

ა) მიმდინარე წლის დამლევამდე ყველა რაიონს და საკოლმეურნეო მეცხოველეობის ფერმას გაუგზავნოს სავალდებულო ზოოვეტწესები პირუტყვის ყველა სახისათვის;

ბ) 1941 წლის პირველ კვარტალში გაგზავნოს ქართლის რაიონების კოლმეურნეობებში მუდმივ სამუშაოდ არანაკლებ 60 ზოოტექნიკოსისა;

გ) 1941 წელს მოამზადოს მეცხოველეობის მასობრივი კვალიფიკაციის კადრები: ფერმის გამგე—460, ტექნიკოსი-მეცხოველე—150, ხელოვნური განაყოფიერების ტექნიკოსი—21, მწველაღი—510, მწყემსი—250, მელორე—150, ჩობანი—430, მეჯინიბე—90 და ბრიგადირი-მესილოსე—405, რაც რაიონების მიხედვით განაწილდეს № 9 დანართის თანახმად;

დ) ერთი თვის ვადაში წარმოუდგინოს საქართველოს სსრ სახალხო კომისართა საბჭოს და საქ. კ. პ. (ბ) ცენტრალურ კომიტეტს დასამტკიცებლად თურქული და მღიერის ებიზოოტიის და აგრეთვე ღორის ქირისა და ციმბირის წყლულის გამაჟრკელებელი კერების მოსპობის ღონისძიებანი.

5. საზოგადოებრივი მეცხოველეობის საკვები ბაზის განმტკიცებისა და გაფართოების მიზნით:

ა) აყვანილ იქნას ქართლის რაიონებში საკვები ბალახების ნათესები 1945 წლის დამლევისათვის სულ მცირე 15.000 ჰექტარამდე, აქედან:

ხაშურის რაიონში . . .	1200	ჰექტარამდე
ქარელის " . . .	1500	"
გორის " . . .	2000	"
კასპის " . . .	1100	"
ბორჯომის " . . .	600	"
თბილისის " . . .	2500	"
მცხეთის " . . .	1600	"
ღუშეთის " . . .	1100	"
თიანეთის " . . .	1100	"
ყაზბეგის " . . .	100	"
თეთრიწყაროს . . .	2200	"



ბ) დაწესდეს 1941—45 წლებისათვის ბუნებრივი სათიბების თიბვის გეგმა—25.460 ჰექტარის ფართობზე და საკვების დასილოსების გეგმა 92.000 ტონის რაოდენობით, რაც რაიონებისა და წლების მიხედვით განაწილდეს № 10 დანართის თანახმად;

გ) 1941—45 წლების განმავლობაში გატარდეს ღონისძიებანი მდელოებისა და საძოვრების ძირითადი გაუმჯობესებისათვის 14.950 ჰექტარის ფართობზე, აქედან ამოწრობა—700 ჰექტ., ყამირის მოხენა მომდევლოებისათვის—890 ჰექტ. მომდევლოება—5.350 ჰექტ. და მდელოებისა და საძოვრების ზედაპირული გაუმჯობესება—67.300 ჰექტ., რაც რაიონებისა და წლების მიხედვით განაწილდეს № 11 დანართის თანახმად;

დ) კოლმეურნობათა საკუთარი სათესლე რესურსების შექმნისა და 1945 წლის დამლევისათვის მომდევლოების გეგმის საძოვრის ბალახების თესლით მთლიანად უზრუნველყოფის მიზნით, 1941—1945 წლების პერიოდში გაშენდეს ამ ბალახების სათესლეები 1540 ჰექტარის ფართობზე, რაც რაიონებისა და წლების მიხედვით განაწილდეს № 12 დანართის თანახმად;

ე) დაწესდეს აგარის შაქრის ქარხანაში მშრალი ღურღოს წარმოების შემდეგი გეგმა:

1941 წელს	8500 ტონა
1942 " 	8900 "
1943 " 	6200 "
1944 " 	7000 "
1945 " 	7700 "

წინადადება მიეცეს აგარის შაქრის ქარხნის დირექტორს გაათავოოს და მოაწყოს ქარხანაში ღურღოს საწრობი და დადგას 2 წინები ღურღოს დასაბრკეტებლად, იმ ანგარიშით, რომ ყველა ეს სამუშაო დამთავრდეს 1941 წლის მოსავლის შაქრის ქარხლის გადამუშავების სეზონის დაწყებისათვის.

6. საკვების წარმოების გეგმის შესრულებისა და საკვები ბალახის ნაკვეთების მოსავლიანობის გადიდების მიზნით დაევალოს ქართლის რაიონების პარტიის რაიონულ კომიტეტებს, მშრომელთა დეპუტატების რაიონულ საბჭოების აღმასრულებელ კომიტეტებს და მიწათმოქმედების ორგანოებს:

ა) ბუნებრივ და ნათეს სათიბებიდან თივის აღებასთან ერთად უზრუნველჰყონ თივის აღება ყველა იმ ფართობზე, სადაც შეიძლება ბალახის გათიბვა (საძოვრებზე, მიჯნებზე, ხევებში, ნაწვერალის და სხვ. ადგილებში), აგრეთვე მოაწყონ ხელმეორედ გათიბვა იმ ფართობებისა, სადაც პირველი გათიბვის შემდეგ კარგი ბალახი იქნება მოსული;

ბ) თივის აღება აწარმოონ ბალახის ძირითადი მასის ყვავილობის დასაწყისში და მაქსიმალურად შემიქორებულ ვადებში, ამასთან უზრუნველჰყონ თიბვის დამთავრება პურის მასობრივად აღების დაწყებამდე და არ დაუშვან გარღვევა თივის აღებასა და დაზვინვას შორის.

გ) სპეციალური სასილოსე ნათესების გარდა მოაწყონ კოლმეურნეობათა მიერ დასილოსებისათვის ბოსტნეულ-ბაჩხეული კულტურების ნარჩენების, შაქრის ჭარხლის ფოჩის, ძირნაყოფა მცენარეების, ველური მცენარეებისა და სხვა ნედლი მასალის გამოყენება;

დ) 1941 წლიდან მინდვრის საკვები კულტურების თესვა, მომდევლოება და საშოგრის ბალახთა სათვისლეების გაშენება, სწარმოებდეს შემოდგომაზე ძირითადად ისეთ ფართობებზე, რომლებზედაც სათოხნი კულტურები ეთესა, აგრეთვე ანეულებზე, ხოლო გაზაფხულზე—მძრალად ხნულზე, მთიანი სოფლების გამოკლებით, ამასთან მდევლოებისა და საძოვრების ძირითადი გაუმჯობესების და საძოვრებ ბალახთა სათვისლეების გაშენების გეგმების შესრულებისათვის სათანადო ფართობების გამოყოფა უზრუნველყოფილ იქნას არაუგვიანეს წინა წლის შემოდგომისა;

ე) საკვები კულტურების თესვა და მომდევლოება, როგორც წესი, სწარმოებდეს გულმოდინედ დანაწილებულ, სუფთა (სარეველა ბალახებისაგან გაწმენდილ) და სასუქით განოყიერებულ ნაკვეთებზე: გაზაფხულზე—საგაზაფხულო თავთავიანი კულტურების თესვისათვის დაწესებულ ვადებში, ხოლო შემოდგომაზე—საშემოდგომო კულტურების თესვის დაწყების ვადებში;

ვ) ბუნებრივი და ხელოვნური საკვების ნაკვეთთა სისტემატური და წეიერი მოვლის უზრუნველყოფის მიზნით, აღნიშნული ნაკვეთები მიემაგროს მინდვრობის ბრიგადებს ვადით არანაკლებ 3—4 წლისა;

ზ) დაევალოს საქართველოს სსრ მიწათმოქმედების სახალხო კომისარიატს 1941 წლის 1-ლ თებერვლისათვის წარმოუდგინოს დასამტკიცებლად საქართველოს სსრ სახალხო კომისართა საბჭოს და საქ. კ. პ. (ბ) ცენტრალურ კომიტეტს ლონისძიებანი მდევლოებსა და საძოვრებზე აბეზარა სარეველების მოსპობის შესახებ.

7. საკვების მოპოვების და საკვების მოშაადების ცალკეული პროცესების მექანიზაციის ღონის ასამალლებლად დაევალოს საქართველოს სსრ მიწათმოქმედების სახალხო კომისარიატს შეიტანოს 1941 წელს ქართლის რაიონებში: ცხენის სათიბი—34, ცხენის ფორცხი—34, სილოსმჭრელი უნივერსალური—17, სილოსმჭრელი ცხენის—26, ჩალამჭრელი სხვადასხვა 205, ფესემჭრელი ხელის—28, მარცვალმღერღავი—10, კოპტონმღერღავი სხვადასხვა—56, სიმინდის მღერღავი—48 საკვებდამაორთქლებელი—39, კოლბოხმჭრელი—13, თივის საწნეხი სხვადასხვა—24, მდევლოს ფარცხი—40 და ცხენის საძრავი—51 ცალი, რაც ცალკეული რაიონების მიხედვით განაწილდეს № 13 დანართის თანახმად.

საქ. სსრ ს. კ. ს-ოს თავმჯდომარე
 ვ. ბაქრაძე.

საქ. კ. პ. (ბ) ც. კ-ის მდივანი
 კ. შეროზია.

17. ქართლის რაიონების კოლმეურნეთა საკარმიდამო ნაკვეთებზე ხეხილის სავალდებულო გაშენების შესახებ.

„საქართველოს სსრ ქართლის რაიონებში სოფლის მეურნეობის, განსაკუთრებით სამრეწველო მეხილეობისა და მევენახეობის, შემდგომი აღმავლობის ღონისძიებათა შესახებ“ სსრ კავშირის სახალხო კომისართა საბჭოს და საქ. კ. პ. (ბ) ცენტრალური კომიტეტის 1940 წლის 15 ოქტომბრის დადგენილების შესაბამისად საქართველოს სსრ სახალხო კომისართა საბჭო და საქართველოს კ. პ. (ბ) ცენტრალური კომიტეტი ადგენენ:

1. დაევალოს ბორჯომის, გორის, დუშეთის, ქარელის, კასპის, მცხეთის, თბილისის, თეთრი წყაროს, თიანეთისა და ხაშურის რაიონების კოლმეურნეებს 1945 წლისათვის საკარმიდამო ნაკვეთებზე იქონიონ არანაკლებ 20 ძირი ხეხილისა (ვაშლი, მსხალი, კაკალი, ატამი, ბალი და ალუბალი) თვითიველ კომლზე, რისთვისაც 1941—1945 წლების პერიოდში დარგონ ახალი ხეხილის საჭირო რაოდენობა.

2. დამტკიცდეს ამასთან დართული სია სოფლებისა, რომლებშიც სავალდებულო წესით არ უნდა გატარდეს ამა დადგენილების 1-ლ მუხლში აღნიშნული ღონისძიება.

3. დაევალოს საქართველოს სსრ მიწსახკომს, ამა დადგენილების 1-ლ მუხლში ჩამოთვლილ ქართლის რაიონების მშრომელთა დეპუტატების რაიონული საბჭოების აღმასკომებთან ერთად:

ა) 1941 წლის 1 მარტამდე აღრიცხონ იმ კოლმეურნეთა მეურნეობანი, რომელთა საკარმიდამო ნაკვეთებზეც ხეხილი ამა დადგენილებით დაწესებულ რაოდენობაზე ნაკლებია;

ბ) რაიონული სამიწათმოქმედო ორგანოების საშუალებით უზრუნველყონ კოლმეურნეთა დროული მომარაგება ხეხილის ნერგებით კოლმეურნეობებისა და საბჭოთა მეურნეობების სანერგეებიდან;

გ) სისტემატურად შეამოწმონ ამა დადგენილების შესრულება.

საქ. სსრ ს. კ. ს ოს თავმჯდომარე
 ვ. ბაქრაძე.

საქ. კ. პ. (ბ) ც. კ-ის მდივანი
 ე. ჩარკვიანი.



სია ქართლის რაიონების იმ სოფლები, რომლებიც არ უნდა გატარდეს ხეხილის სავალდებულო გაუმება კოლმეურნეთა საკარმიდამო ნაკვეთებზე

1. ბორჯომის რაიონი

1. მაქარწყალის სასოფლო საბჭო—სოფლები: მაქარწყალი, წინუბანი, გვერდისუბანი, აიდაროვი, ვარდევანი და ტყემლოვანი.
2. გუჯარეთის სასოფლო საბჭო—სოფლები: გუჯარეთი, ოდეთი, ღინტური, დიდი თონეთი, პატარა თონეთი, დიდი ტუსრები, პატარა ტუსრები და წითელ-სოფელი.
3. ბაკურიანის სასოფლო საბჭო—სოფლები: ბაკურიანი, დიდი მიტარბი, პატარა მიტარბი, თელოვანი, თორი და საკოკავი.
4. ციხისჯვრის სასოფლო საბჭო—სოფელი ციხისჯვარი.
5. ტაბაწყურის სასოფლო საბჭო—სოფლები: ტაბაწყური, მოლითი, ჩიხარულა, ბალანთა და ნარიანი.

2. გორის რაიონი

1. ხურვალეთის სასოფლო საბჭო—სოფელი ზეგარდა.
2. შავშევების სასოფლო საბჭო—სოფელი ავაზანი.
3. ქახვრელის სასოფლო საბჭო—სოფელი უფლისციხე.
4. ბოზნევის სასოფლო საბჭო—სოფლები: ქვემო ბალოვანი, ლევიტანა, ფეტვის-ხევი, იფნარა და თხინალა.
5. დრეს სასოფლო საბჭო—სოფლები: დრე, იკნევი, ხანდისი, სიქალეთი, დიდი წერეთი, ლვედრეთი, ქვემო ურიული და ველები.
6. მღებრიანის სასოფლო საბჭო—სოფლები: მღებრიანი, ობიანი, ზემო-ბალოვანი, პატარა წერეთი, საჯია და სახორცე.
7. ზემო-ახალსოფლის სასოფლო საბჭო—სოფლები: გულხანდისი, კანჭახა და იური.
8. საყვარეს სასოფლო საბჭო—სოფლები: ლული, ხეწე, ფილათი და მთაღვეული.

3. დუშეთის რაიონი

1. მღეთის სასოფლო საბჭო—სოფლები: კაიშაური, ჯალუმინი, სვიანანინ-როსტიანი, მულურე, წყერე, სეთურები, შონჩო-ყოყონი, ბენიანთ-ბედონი, ზაქარკარი და იუხო.
2. უკანფშავის სასოფლო საბჭო—სოფლები: უკანა ფშავი, ახადი, მუქო, უძილაურები და შუაფხო.
3. მალაროსკარის სასოფლო საბჭო—სოფლები: წიფრან-კანატია, მალარო, ხომი, აფშო და გომეწარი.



4. ფასანაურის სასოფლო საბჭო—სოფლები: ჩადისციხე, ჩირიჭკა, სუქანაძე მხარი, სოდევი, დიხჩო, ცხედიეთი და ბანტურები.
5. გულამაყრის სასოფლო საბჭო—სოფლები: ჩობალაურები, ჩოხი, თოთიაურები, საჩალის ქალა, წინამხარი და დიდებანთათიური.
6. ჟინვალის სასოფლო საბჭო—სოფლები: ზემო-ხორხი. მენესო, ხარკიშო, ქვემო-ხორხი და ხირაუშა.
7. ანანურის სასოფლო საბჭო—სოფლები: კადოეთი დი უფურეთი.
8. ხევსურეთის ყველა სასოფლო საბჭო.

4. ქარელის რაიონი

1. ზემო-ხვედურეთის სასოფლო საბჭო—სოფლები: ტყემალა, რცხილის წყარო.
2. ზღუდერის სასოფლო საბჭო—სოფელი არცევი.
3. გვერძინეთის სასოფლო საბჭო—სოფლები: ბატეთი, კოდმანი, ქიმაანთ-კარი, ქვათეთრი და წიფლოვანი.
4. მუხილეთის სასოფლო საბჭო—სოფლები: ტყემლოვანი, მუხილეთი, აბუხალო, ქვემო-შვანო, ზემო-შვანო.
5. იმერხევის სასოფლო საბჭო—სოფლები: ორბოძალა და ველისციხე.

5. კასპის რაიონი

1. გოსტიბეს სასოფლო საბჭო—სოფლები: ქვემო-გოსტიბე, ზემო-გოსტიბე გოგოთი, კაბერი, სალომე, სამოქალა, გარგარი, ზირთა, ჩაჩუბეთი და რკონი.
2. წითელქალაქის სასოფლო საბჭო—სოფელი ზენადრისი.
3. წინარეხის სასოფლო საბჭო—სოფლები: საკურთხისი, ბოტისი, წიფო-რი, ტყემლოვანი, ზვარიკოტმანი, ვერხვეულა, პარეტისი და ვარჯაანი.
4. ერთაწმინდის სასოფლო საბჭო—სოფელი ცხავერი.
5. ქვემო-ქალის სასოფლო საბჭო—სოფელი ვაქე.

6. თბილისის რაიონი

1. ლისის სასოფლო საბჭო—სოფლები: ჯალანთხევი, ტაბარუკი და ლელობი.
2. დიღმის სასოფლო საბჭო—სოფელი კორათხევი.

7. თეთრი წყაროს რაიონი

1. კლდისის სასოფლო საბჭო—სოფლები: პატარა კლდისი და დიდი კლდისი.
2. დუმანისის სასოფლო საბჭო—სოფელი შიხელო.
3. ახკალფის სასოფლო საბჭო—სოფლები: ფიტარეთი, ქვემო ახკალაფა, ზემო ახკალაფა და წყნარი აბანო.



4. შეხვეტილას სასოფლო საბჭო—სოფლები: ნაპილნარი, გოხნარა, არხოლი და კინკრიანი.

8. თიანეთის რაიონი

სოფლები: ზენამხარი, ივლიანთ-გორი, ლახატო, ბუჟყვირტა, ქუშხევი. სოფლიონი და ბაჩალი.

9. ხაშურის რაიონი

1. ღართის სასოფლო საბჭო—სოფლები: სათიბები, დიდი თხილნარი და პატარა თხილნარი.

18. სსრ კავშირის დამზადებათა სახალხო კომისარიატის საქართველოს სსრ რწმუნებულის მოადგილედ ამხ. ე. მ. წულაიას დამტკიცების შესახებ.

საქართველოს სსრ სახალხო კომისართა საბჭო ადგენს: დამტკიცებულ იქნას ამხ. ე. მ. წულაია სსრ კავშირის დამზადებათა სახალხო კომისარიატის რწმუნებულის მოადგილედ საქართველოს სს რესპუბლიკაში.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველი ი. რუხაძე.

1940 წ. დეკემბრის 30. № 2702.
თბილისი.

19. აფხაზეთის ასს რესპუბლიკის ნაკრძალებში ნადირობის აკრძალვის შესახებ.

დამატებით დებულებისა საქართველოს სსრ ტერიტორიაზე ნადირობის წესებისა და ვადების შესახებ (მუხ. 9), რაც დამტკიცებულია საქართველოს სსრ სახკომსაბჭოს 1940 წლის 9 სექტემბრის დადგენილებით (საქ. სსრ დადგ. კრ. 1940 წ. № 24, მუხ. 101), საქართველოს სსრ სახალხო კომისართა საბჭო ადგენს: დაკმაყოფილდეს აფხაზეთის ასსრ სახკომსაბჭოს შუამდგომლობა და გავრცელდეს აფხაზეთის ასსრ შემდეგ ნაკრძალებზე ნადირობის, აგრეთვე მიწის, ტყიანი და წყლით დაფარული ფართობების ყოველგვარი გამოყენების აკრძალვა არანაკრძალის მიზნებისათვის:

გუმისტის სანადირო ნაკრძალზე.

რიცის ტბის რაიონზე, იუპშარის ხეობის ჩათვლით,

მიუსერის ნაკრძალზე.

სოხუმის სატყეო ნაკრძალზე,
 ვენეციური ხეობაზე,
 ბიჭვინთის ფიჭვის ქალაზე.

საქ. სსრ ს. კ. ს-ოს თავმჯდომარე ვ. ბაქრაძე.
 საქ. სსრ ს. კ. ს-ოს საქმეთა მმართველი ი. რუხაძე.

1940 წ. დეკემბრის 31. № 2714.
 თბილისი.

20. საქართველოს სსრ ფინანსკომის საბიუჯეტო სამმართველოს ორგანიზაციის შესახებ.

საქართველოს სსრ სახალხო კომისართა საბჭო ადგენს:

1. მიღებულ იქნას საქართველოს სსრ ფინანსთა სახალხო კომისარიატის წინადადება სახელმწიფო ბიუჯეტის სამმართველოს, სახალხო მეურნეობის და ფინანსების სამმართველოს და ადგილობრივი ბიუჯეტის სამმართველოს გაუქმებისა და ამ სამმართველოების ნაცვლად ერთიანი საბიუჯეტო სამმართველოს ორგანიზაციის შესახებ.

2. საქართველოს სსრ ფინანსთა სახალხო კომისარიატის საბიუჯეტო სამმართველოსთან შეიქმნას შემდეგი განყოფილებანი:

ა) განათლების და კულტურის დაფინანსების განყოფილება;

ბ) ჯანმრთელობის დაცვის, ფიზკულტურისა და სოცუზრუნველყოფის და ფინანსების განყოფილება;

გ) სოფლის მეურნეობის დაფინანსების განყოფილება;

დ) კომუნალურ-საბინაო მეურნეობის, საგზაო, ავტოსატრანსპორტო მეურნეობისა და ვაჭრობის დაფინანსების განყოფილება;

ე) კვების, ხორცისა და რძის, მსუბუქი და საფეიქრო მრეწველობის დაფინანსების განყოფილება;

ვ) ადგილობრივი და სატყეო რაიონული მრეწველობის და საშენ მასალათა მრეწველობის დაფინანსების განყოფილება;

ზ) ნაკრებ საგეგმო განყოფილება.

3. დაწესდეს საქართველოს სსრ ფინანსთა სახალხო კომისრის მეორე გაუნთავისუფლებელი მოადგილის თანამდებობა.

4. დაწესდეს, რომ საბიუჯეტო სამმართველოს უფროსი ამავე დროს არის საქართველოს სსრ ფინანსთა სახალხო კომისრის მოადგილე.



5. ძალადაკარგულად ჩაითვალოს საქართველოს სსრ სახალხო კომისარიატის საბჭოს 1940 წლის 6 სექტემბრის დადგენილება „საქართველოს სსრ ფინანსთა სახალხო კომისარიატის აპარატის სტრუქტურის შესახებ“ (საქ. სსრ დაღვ. კრ. 1940 წ. № 22, მუხ. 95).

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველი ი. რუხაძე.

1940 წ. დეკემბრის 31. № 2728.

თბილისი.

21. ქ. თბილისში სსრ კავშირის ხორცისა და რძის მრეწველობის სახალხო კომისარიატის „გლავხლადობრომის“ სადერატიზაციო-სადეზინსექციო სადგურის ლენინგრადის განყოფილების მოწყობის შესახებ.

საქართველოს სსრ ხორცისა და რძის მრეწველობის სახალხო კომისარიატის შუამდგომლობასთან დაკავშირებით, საქართველოს სსრ სახალხო კომისარიატსა საბჭო აღგენს:

ნებადართულ იქნას, რათა ქ. თბილისში მოეწყოს სსრ კავშირის ხორცისა და რძის მრეწველობის სახალხო კომისარიატის „გლავხლადობრომის“ სადერატიზაციო-სადეზინსექციო სადგურის ლენინგრადის განყოფილება.

საქ. სსრ ს. კ. ს-ოს თავმჯდომარე ვ. ბაქრაძე.

საქ. სსრ ს. კ. ს-ოს საქმეთა მმართველი ი. რუხაძე.

1940 წ. დეკემბრის 31, № 2730.

თბილისი.

გამომცემელი: საქართველოს სსრ სახალხო კომისართა საბჭო

უნდა ჩაბარდეს პირველ რიგში
ხელწერილის ქვეშ.

მისამართისათვის



ფასი 40 კაპ.